

## **Namminersorlutik Oqartussat Qinikkatut Pisortanillu Toqqakkatut suliaqarneq il. il. pillugu nalunaarutaat nr. 30, 1. september-mersooq**

Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-mi 18. december 2003-meersumi § 58, imm. 2 tunngavigalugu aalajangersarneqarpoq:

### **Kapitali 1**

#### *Qinikkatut pisortanillu toqqakkatut suliaqarneq*

**§ 1.** Nalunaarummi matumani qinikkatut pisortanillu toqqakkatut suliaqarnertut uku isigineqarput:

- 1) Inatsisartuni ilaasortaaneq,
- 2) kommunalbestyrelsimi ilaasortaaneq, bygderådими ilaasortaaneq ataatsimiititalianilu kommunalbestyrelsimi bygderådими pilersinneqartuni kommunalbestyrelsimi ilaasortaaneq naapertorlugu ilaasortaaneq,
- 3) Pisortat suliffeqarfiani siulersuisutut ilaasortaq, Inatsisartut, Naalakkersuisut, kommunalbestyrelsi nunaqarfinnuunniit aqutsisut ilaasortamik toqqaasuutillugit,
- 4) eqqartuussisutut suliaqarneq,
- 5) eqqartuusseqataasartutut suliaqarneq,
- 6) illersuisutut illersortitullu suliaqarneq, kiisalu
- 7) suliassanik allanik pineqartup inatsisat malillugit suliarissallugit pisussaaffeqarfiini suliaqarneq.

**§ 2.** Tjenestemandit qinikkatut pisortanillu toqqakkatut suliassanik § 1 naapertorlugu suliallit, suliassat pineqartut isumaginissaannut pisariaqartitsineq naapertorlugu, §§ 3-5-imi malittarisassat malillugit sulinnigiffeqarsinnaatitaapput.

*Imm. 2.* Katissimasatut aapparisaq inooqatigisarluunniit Inatsisartunut Naalakkersuisunullu il.il. ilaasortanut ajunngitsorsiat pillugit Inatsisartut inatsisaanni maleruagassani § 8, imm. 3 naapertorlugu angalaqataasooq, aaqqissuisut sioqqutsisumik katissimasatut aapparisaq inooqatigisamulluunniit qaaqussisummik pilersaarummillu, katissimasatut aapparisaq inooqataasulluunniit peqataaffigisassaatus ilimagineqartumik tiguisimatillugu malittarisassani §§ 3 aamma 6 naapertorlugit sulinnigiffeqarnissamut periarfissaqarpoq.

**§ 3.** Sulinnigiffeqarneq ajornangippat piffissap suliffiup allanngortiterneqarneratigit imaluunniit suliffimmik paarlaasseqatigiinnikkut pissaaq. Sulinerup pilersaarusiorneqarnerani sulisitsisoq pineqartoq tjenestemandilu pineqartoq naleqquttumik aaqqiissuteqarnissamut peqataanissaminnut

pisussaapput.

*Imm. 2.* Sulinnigiffeqarneq imm. 1-imi taaneqartut piffissap suliffiup allangortiterneqarneratigut imaluunniit suliffimmik paarlaasseqatigiinnikkut pisinnaangippat imaluunniit piffissap suliffiup allangortinneqarnera tjenestemandip katillugit piffissamik suliffissaanik annertuumik sivitsuinikkut aatsaat pisinnaappat § 4-mi malittarisassat atorneqassapput.

**§ 4.** Pisuni § 2, imm. 1-imi taaneqartuni qaammatsiutit ukiuanni ataatsimi ullut 60-it tikillugit tjenestemandi sulinnigiffeqarsinnaavoq akissarsiassaminik ilanngaaffigineqarnani. Taamatut sulinnigiffeqartitsisoqartillugu suliasap naammassiniarneranut atatillugu ullut angalaffigisariaqakkat ilanngullugit naatsorsuunneqassanngillat.

*Imm. 2.* Sulinnigiffeqarneq imm. 1-imi taaneqartumit siviluneruppat tjenestemandip akissarsiai ilanngaaffigineqassapput sulinnigiffeqarnerup nalaani ulloq suliffik ataatsimi nal. akunneri sisamat tikillugit qaammammut akissarsiat 1/60-iata ullormilu suliffimmi nal. akunneri sisamat qaangerlugit qaammammut akissarsiat 1/30-iata nalingannik.

*Imm. 3.* Taamaattoq qinikkatut pisortanilluunniit toqqakkatut atuunnermi imm. 2-mi taaneqartut aningaasarsianik ilanngaaf, tjenestemandi allatut naatsorsuineramik akuersitillugu, qaammammut aningaasanik qaammammut ajunngitsorsiat ataatsimiinnersiutilluunniit assinganik naleqartumik isumagininnermi annertussuseqarsinnaavoq. Aningaasat sinneruttut qaammatip tullianut nuunneqassapput. Ukiup feeriarfissanik katersiffiup iluani aningasarsianik ilanngaafit ataatsimut ajunngitsorsianit ataatsimiinnersiutinillu piffissami tassani tjenestemandimit pissarsiarineqartunit annerusinnaanngillat.

**§ 5.** Pisuni § 2, imm. 2-mi taaneqartuni katissimasatut aapparisp inooqatigisalluunniit angalanermut peqataanermini sulinermi isertitanit, ajunngitsorsianit allatulluunniit aningaasaatigut ajunngitsorsiaqartinneqannginnerani, akissarsianit ukiup qaammatsiutaata ingerlanerani ullut 60-it tikillugit ilanngaataanngitsumik sulinnigiffeqartitsisoqartassaaq. Ullormusiat Kalaallit Nunaanni tjenestemandinut malittarisassat atuuttut malillugit tunniunneqartut tassani ajunngitsorsiatut isigineqanngillat.

*Imm. 2.* Katissimasatut aapparisp inooqatigisalluunniit angalanermut peqataanermini sulinermi isertitanit, ajunngitsorsianit allatulluunniit aningaasaatigut matussusiiffigineqarnerani, imm. 3-mi taaneqartut aningaasarsianit ilanngarneqarluni sulinnigiffeqartinneqassaaq.

*Imm. 3.* Sulinnigiffeqarneq imm. 1-imi taaneqartumit siviluneruppat tjenestemandip akissarsiai ilanngaaffigineqassapput sulinnigiffeqarnerup nalaani ulloq suliffik ataatsimi nal. akunneri sisamat tikillugit qaammammut akissarsiat 1/60-iata ullormilu suliffimmi nal. akunneri sisamat qaangerlugit qaammammut akissarsiat 1/30-iata nalingannik.

*Imm. 4.* Taamaattorli tjenestemandi allatut akiliuteqartoqartarnissaanik paasinnilluni nalunaaruteqarsimanngippat, qaammatinut tamanut amerlanerpaamik sulinermi isertitanik annaasanik matussutitut aningaasat, ajunngitsorsiat allatulluunniit aningaasanik taarsiissutitut tigusat.

## **Kapitali 2**

### *Folketingimi ilaasortatut sulineq*

§ 6. Tjenestemandi Folketingimi ilaasortaanini pissutigalugu atorfimmini sulinngitsoq atorfimmi tassani akissarsiassatut aalajangersakkat ilaannik sunilluunniit akissarsiaqartinneqassanngilaq.

*Imm. 2.* Aningaasaqarnermut Sulisoqarnermullu Aqutsisoqarfik tjenestemandit Folketingimi ilaasortaanermut atatillugu piffissap ilaannaanut sulisarneranni akissarsiaritinneqartut pillugit malittarisassanik erseqqinnerusumik aalajangersaassavoq.

## **Kapitali 3**

### *Ataatsimoortumik aalajangersakkat*

§ 7. § 1-imi imaluunniit § 2, imm.. 2-mi taaneqartutut piffissaq qinikkatut pisortanilluunniit tooqqakkatut, Folketingimiluunniit ilaasortatut tjenestemandip sulinngiffeqarfigisaa piffissalluunniit ilaannaani suliffigisaa, Aningaasarsiaqartitsineq pillugu Siunnersuisooqatigiit oqaaseqaateqareneranni aningaasarsianik soraarnerussutisianilluunniit naatsorsuinermit ilanngunneqarsinnaavoq, Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 58, imm. 4 aamma Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 5, imm. 5 takuuk. Soraarnerussutisiaqarnissamut ukiunik naatsorsuinermit ilanngussineq Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni § 55 naapertorlugu kiisalu Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 24 b naapertorlugu soraarnerussutinut ilapittuutinik akiliisoqartarnera tunngavissaatinneqarpoq.

*Imm. 2.* Akissaatinut qaffasinnerusunut nuunneq inatsit imaluunniit aqqissuussineq akuerisaq tunngavigalugu sulinerullu sivisussusia pissutigalugu pisoq aammalu naammaginarumik sulinermit pissuteqartoq tjenestemandip pineqartup nalunaarummi matumani suliat angalanerilluunniit pineqartut suliariniarlugit sulinngiffeqarnera apeqqutaatinnagu pissaq.

## **Kapitali 4**

### *Atuutilernera*

§ 8. Nalunaarut saqqummiunneqarnerata aqaguani atuutilissaaq.

*Imm. 2.* Peqatigisaanik Namminersornerullutik Oqartussat Qinikkatut Pisortanillu Toqqakkatut suliaqarneq il. il. pillugu nalunaarutaat nr. 5, 15. marts 1994-imeersoq.

*Namminersorlutik oqartussat, ulloq 1. september 2022*

Naaja H. Nathanielsen  
Aningaasaqarnermut Naligiissitaanermullu Naalakkersuisoq

/ Nikolai S. Christensen